

NOFI101 Norrønt språk

Kurs ved **Odd Einar Haugen** og **Jens Eike Schnall**, vårsemesteret 2017, LLE, Universitetet i Bergen

Kurset gir ei elementær innføring i norrønt språk gjennom grammatikk-undervising og lesing av normaliserte norrøne prosatekstar. Gjennom heile kurset vil grammatikkundervisinga bli kombinert med tekstlesing. Til å begynna med vil fonologi (lydlære) og morfologi (formlære) stå i fokus, etter kvart også syntaks (setningslære). Det vil bli lagt vekt på det praktiske arbeidet med omsetjing av tekstar og korleis ein skal bruka ordbok og grammatikk som hjelpemiddel i tekstforståinga.

Pensum

Dei som skal følgje kurset, må skaffe seg ein norrøn grammatikk, ei norrøn ordbok og ei norrøn tekstsamling. Studentane kan sjølv velje desse læremidla i samråd med faglærar, men på kurset vil desse bli brukte:

ODD EINAR HAUGEN, *Grunnbok i norrønt språk* (4. utg. 2001), ev. den kortare versjonen, *Norrøn grammatikk i hovuddrag* (1. utg. 2015).

LEIV HEGGSTAD, FINN HØDNEBØ og ERIK SIMENSEN, *Norrøn ordbok* (5. utg. 2008)

ODD EINAR HAUGEN, utg., *Norrøne tekster i utval* (1994)

Grunnbok i norrønt språk/Norrøn grammatikk i hovuddrag og 30 sider frå *Norrøne tekster i utval* (utdrag av *Óláfs saga ins helga*, *Gylfaginning*, *Tveggja elskanda ljóð*) dannar eit kjernepensum. Desse sidene vil bli gjennomgått på kurset så langt tida strekker til.

Obligatorisk undervisningsaktivitet

- 1) Obligatorisk oppmøte på minst 75 % av førelesningane og kollokvia sett under eitt.
- 2) Studentane må halde ein kort presentasjon (10–15 minuttar) av eit fagleg tema på kurset. Temaet blir avtalt med faglærar, som også godkjenner presentasjonen.
- 3) Dersom studenten i samråd med faglærar legg opp eit anna pensum enn standardpensumet i emnet, må han levere og få godkjent pensumlista innan kunngjord frist.

Dei obligatoriske arbeidskrava er gyldige i undervisningssemesteret og det påfølgjande semesteret.

Vurderingsformer

Ein skriftleg skuleeksamen på seks timar.

Studenten kan skrive på norsk, dansk, svensk, engelsk eller tysk.

Det er høve til å bruke norrøn ordbok og norrøn grammatikk under eksamen.

Studenten må sjølv ta med ordbok og grammatikk.

Utanlandske studentar kan dessutan bruke ordbok frå deira eige språk til moderne norsk, og frå moderne norsk til deira eige språk.

Til eksamen kan det gjevast både kjende tekstar (frå pensum) og ukjende tekstar (utanfor pensum).